

石

谿

讀

周

官

石谿讀周官第四

安溪官獻瑤述

孫壽相  
左杉

夏官司馬第四

惟王建國辨方正位體國經野設官分職以爲民極  
乃立夏官司馬使帥其屬而掌邦政以佐王平邦  
國

政官之屬大司馬卿一人小司馬中大夫二人軍司馬下大夫四人與司馬上士八人行司馬中士十有六人旅下士三十有二人府六人史十有六人胥三十有二人徒三百有二十人

凡制軍萬有二千五百人爲軍王六軍大國三軍次國二軍小國一軍軍將皆命卿二千有五百人爲師師帥皆中大夫五百人爲旅旅帥皆下大夫百人爲卒卒長皆上士二十五人爲兩兩司馬皆中

士五人爲伍伍皆有長一軍則二府六史胥十人徒百人

此皆以室數制之合畿內外無異法至於臨時徵發則旬出一乘詳見小司徒

輿司馬

闕

行司馬

闕

軍制備於車徒輿司馬主車行司馬主徒觀春秋內傳所載陳法如魚麗之陳先偏後伍伍承彌縫必祖周官之遺法自二官亡而行陳之制闕如矣

司勳上士二人下士四人府二人史四人胥二人徒

二十人

師上六開國承家以論功行賞爲終此列司  
勳於官正之後論功行賞爲首其義一也

馬質中士二人府一人史二人賈四人徒八人

量人下士二人府一人史四人徒八人

軍政以車乘爲先行軍以壁壘  
爲重故次以馬質量人之官

小子下士二人史一人徒八人

羊人下士二人史一人賈二人徒八人

司燧下士二人徒六人

以司權屬司  
馬兵論火也

掌固上士二人下士八人府二人史四人胥四人徒  
四十人

掌固與司險掌疆相聯能  
守而後能戰師之要也

司險中士二人下士四人史二人徒四十人

掌疆中士八人史四人胥十有六人徒百有六十八  
人  
候人上士六人下士十有二人史六人徒百有二十  
人

此與下環人皆主候望何察之官行軍有備無患漢書程不識嚴刁斗遠斥候所以爲名將

環人下士六人史二人徒十有二人

挈壺氏下士六人史二人徒十有二人

射人下大夫二人上士四人下士八人府二人史四

人胥二人徒二十人

服不氏下士一人徒四人

射鳥氏下士一人徒四人

羅氏下士一人徒八人

掌畜下士二人史二人胥二人徒二十人

司士下大夫二人中士六人下士十有二人府二人  
史四人胥四人徒四十人

諸子下大夫二人中士四人府二人史二人胥二人  
徒二十人

司右上士二人下士四人府四人史四人胥八人徒  
八十八人

虎賁氏下大夫二人中士十有二人府二人史八人



不與言  
胥八十人虎士八百人

旅賁氏中士二人下士十有六人史二人徒八人  
節服氏下士八人徒四人

方相氏狂夫四人

大僕下大夫二人小臣上士四人祭僕中士六人御  
僕下士十有二人府二人史四人胥二人徒二十  
人

隸僕下士二人府一人史二人胥四人徒四十人

弁師下士二人工四人史二人徒四人

列弁師於夏官何也凡弁皆操皮爲之禮冠謂之皮弁武冠謂之韋弁傳所謂韎韐之跗注兵服也掌五冕而各官曰弁師列於夏官或以此

司甲下大夫二人中士八人府四人史八人胥八人徒八十人

司兵中士四人府二人史四人胥二人徒二十人

司戈盾下士二人府一人史二人徒四人

司弓矢下大夫二人中士八人府四人史八人胥八人

人徒八十人

繕人上士二人下士四人府一人史二人胥二人徒二十人

橐人中士四人府二人史四人胥二人徒二十人  
戎右中大夫二人上士二人

齊右下大夫二人

道右上士二人

右與僕皆以掌齊車道車名齊者無時而不敬道者無在不與道俱使之顧名思義也

大馭中大夫二人

戎僕中大夫二人

齊僕下大夫二人

道僕上士十有二人

田僕上士十有二人

馭夫中士二十人下士四十人

枝人中大夫二人上士四人下士十有六人府四人

史八人胥八人徒八十人

才異言月作 卷四  
趣馬下士皁一人徒四人

巫馬下士二人醫四人府一人史二人賈二人徒二十人

天官有獸醫此巫馬之醫  
專爲馬而設者重馬也

牧師下士四人胥四人徒四十人

庖人下士閑二人史二人徒二十人

圉師乘一人徒二人圉人良馬匹一人駑馬麗一人

職方氏中大夫四人下大夫八人中士十有六人府

四人史十有六人胥十有六人徒百有二十八

附職方於夏官猶附大行人於秋官而職方掌天下之圖周知九州之利害按圖而贊行師列於夏官尤切也

土方氏上士五人下士十人府二人史五人胥五人徒五十人

懷方氏中士八人府四人史四人胥四人徒四十人  
合方氏中士八人府四人史四人胥四人徒四十人  
訓方氏中士四人府四人史四人胥四人徒四十人

形方氏中士四人府四人史四人胥四人徒四十人  
山師中士二人下士四人府二人史四人胥四人徒  
四十人

川師中士二人下士四人府二人史四人胥四人徒  
四十人

選師中士四人下士八人府四人史一人胥八人徒  
八十八人

匡人中上四人史四人徒八人

擯人中士四人史四人徒八人

都司馬每都上士二人中士四人下士八人府二人  
史八人胥八人徒八十人

八則賦貢以馭其用田役以其衆于都家司馬徵之

家司馬各使其臣以正於公司馬

大司馬之職掌建邦國之九灋以佐王平邦國制畿封國以正邦國設儀辨位以等邦國進賢興功以作邦國建牧立監以維邦國制軍詰禁以糾邦國



制軍卽序官王六軍以至一軍軍制立有犯禁者則司馬整師旅以詰之所以糾不正而歸于正也施貢分職以任邦國簡稽鄉民以用邦國均守平則以安邦國比小事大以和邦國

司徒所簡稽者王畿六鄉之民也司馬所簡稽者兼邦國三鄉二鄉一鄉之民也下文均守平則亦指侯國之都鄙故云用邦國安邦國

以九伐之灋正邦國馮弱犯寡則眚之賊賢害民則伐之暴內陵外則壇之野荒民散則削之負固不服則侵之賊殺其親則正之放弑其君則殘之犯

令陵政則杜之外內亂鳥獸行則滅之

九伐以罪之輕重爲序自負罔至  
外內亂五者罪尤大故列于後

正月之吉始和布政于邦國都鄙乃縣政象之灑于  
象魏使萬民觀政象挾日而斂之 乃以九畿之  
籍施邦國之政職方千里曰國畿其外方五百里  
曰侯畿又其外方五百里曰甸畿又其外方五百  
里曰男畿又其外方五百里曰采畿又其外方五  
百里曰衛畿又其外方五百里曰蠻畿又其外方

五百里曰夷畿又其外方五百里曰鎮畿又其外  
方五百里曰蕃畿

九畿之圖掌于職方載一策則其籍也二者皆識其廣輪之數按籍而指之復按圖而校之瞭如指掌矣九州山川相入道路曲折不同豈能畫定曰方百里云云皆以虛空鳥道之筭法核之與禹貢五服地圓二百五十里同天堯一例差一度卽虛空鳥道筭法

凡令賦以地與民制之十地倉者參之二其民可用者家三人中地倉者十其民可用者二家五人下地倉者參之一其民可用者家二人 中春教振

旅司馬以旗致民平列陳如戰之陳辨鼓鐸銅鑿  
之用王執路鼓諸侯執黃鼓軍將執晉鼓師帥執  
提旅帥執鼙卒長執笥兩司馬執鐸公司馬執鐃  
以教坐作進退疾徐疏數之節悉以蒐田有司表  
貉誓民鼓遂圍禁火幣獻禽以祭社 中夏教菱  
舍如振旅之陳羣吏攬車徒讀書契辨號名之用  
帥以門名縣鄙各以井名家以號名鄉以州名野  
以邑名百官各象其事以辨軍之夜事其他皆如

振旅遂以苗田如蒐之灋車弊獻禽以享祚

中秋教治兵如振旅之陳辨旗物之用王載大常諸  
侯載旂軍吏載旗師都載旆鄉遂載物郊野載旒  
百官載旗各書其事與其號焉其他皆如振旅遂  
獮田如蒐田之灋羅弊致禽以祀祊

中春辨鼓鐸錡鏡之用將以教坐作進退疾徐疏  
數之節也中夏辨號名之用將以辨軍之夜事也  
中秋辨旗物之用不言所教所辨者書其事則知  
其事之人書其號則知其人之號春秋鄆陵之戰  
樂領望楚令尹之旂曰楚人謂彼爲子重之旌彼  
其子重也夫蓋號名以辨夜事則旗物書事與號

一望瞭然其爲辨軍之畫事不言可知也。慄也。程氏曰：治兵辨旗物與司常互異。竊謂旗物不同之故。經已明言之。司常云：大閱辨旗物。此云：治兵辨旗物。明二者所建旗物本不同也。大閱旗物以尊卑內外等序之。孤卿大夫士在朝之百官師都州里縣鄙都家鄉遂公邑之百官也。治兵之旗物則適與旗互易。孤卿大夫士之物。鄉遂載之。州里之載之物與旗互易。大夫士之物。鄉遂載之。州里之旗百官載之。惟旒則如其故。郊野與縣鄙皆公邑之吏也。蓋行軍有正法。有變法。大閱之旗正法也。治兵之旗變法也。正法以齊軍心。變法以易師目。春秋時有不去其旗而敗者。有望其旗而指目其仇者。有納旌於腹中不令敵人見者。故旗物有變通之法歟。按治兵大閱旗物不同。程氏分疏頗有條理。抑因是見行軍徵發王畿遠近更番迭出。考田役小司徒家出一人如其法行之。六軍之衆。

豈虞人所萊之地能通容之日哉旗物而至者不第鄉途弁及于師都以田役之更番迭出夾軍旅之更番迭出信而有徵而鄉途公邑都鄙田制軍制之無異同也次矣

中冬教大閱前期羣吏戒衆庶修戰澆虞人萊所田之野爲表百步則一爲三表又五十步爲一表田之日司馬建旗于後表之中羣吏以旗物鼓鐸錫饒各師其民而致贊明弊旗泝後至者乃陳車徒如戰之陳皆坐羣吏聽誓于陳前斬牲以左右徇陳曰不用命者斬之中甲以鼙令鼓鼓人皆

三鼓司馬振鐸羣吏作旗車徒皆作鼓行鳴錫車徒皆行及表乃止三鼓攬鐸羣吏弊旗車徒皆坐

中軍若王不自將則大司馬也上文建旗後表之中殆五軍分擁前後咸稟中軍指揮以擊令鼓然後鼓聲同時並奏非中軍執鼓也注謂六軍三三而居一偏是中軍之軍亦居偏也何以謂之中教職若六軍並集一表必不能容若六軍各立三表經文又未嘗言乃止勢亦有難行慄也程氏曰四時之田並分番教閱一日不必編集六軍之人一人不必歲供四役也覺於事每較合

又三鼓振鐸作旗車徒皆作鼓行鳴錫車驟徒趨及表乃止坐作如初 乃鼓車馳徒走及表乃止



鼓戒三關車三發徒三刺 乃鼓退鳴鏡且却及  
表乃止坐作如初 遂以狩田以旌爲左右和之  
門羣吏各帥其車徒以叙和出左右陳車徒有司  
平之旗居卒間以分地前後有屯百步有司巡其  
前後險野人爲主易野車爲主

百人爲卒卒相去之地百步屯守不離其伍復恐  
其軼亂有司巡而檢察之此行陳之法也層累以  
至于軍皆卒之積也 野有利於車者有利於人  
者圍禁以之爲主兵法所謂因地車與徒臨時衷  
益不可割定矣墨家令云山川邱阜步兵之地車  
騎二不當一平原廣野車騎之地步兵十不當一

卽以是推之案經云皆作皆坐皆行車徒並言  
蓋徒以衛車陳法之常也因地制宜或主車或主  
徒陳法之變也教  
戰自當常變兼之

既陳乃設驅途之車有司表貉于陳前 中軍以鼙  
令鼓鼓人皆三鼓羣司馬振鐸車徒皆作途鼓行  
徒銜枚而進

亦鼓進  
可知

大獸公之小禽私之獲者取左耳 及所弊鼓皆賦  
車徒皆謀徒乃弊致禽饋獸于郊入獻禽以享烝

及師大合軍以行禁令以救無辜伐有罪

伐之名有九歸于救民伐罪而已

若大師則掌其戒令泄大小帥執事泄愆王及軍器及致建大常比軍衆誅後至者及戰列陳眠事而賞罰若師有功則左執律右秉鉞以先愷樂獻于社若師不功則厭而奉主車王弔勞上庶子則相

死事則弔之有功則勞之兼承上有功無功二項亦通

大役與慮事屬其植受其要以待攷而賞誅 大會

同則帥士庶子而掌其政令 若大射則合諸侯

之六耦

射人王以六耦射六耦倍三耦以明尊也六耦射畢然後大司馬請王射當與大射儀同司馬掌射政凡射禮司正爲司馬本此

大祭祀饗食羞牲魚授其祭 大喪平士大夫喪祭

奉詔馬牲

小司馬之職掌凡小祭祀會同饗射師出紀掌其事如大司馬之廩

軍司馬闕

輿司馬闕

行司馬闕

司勳掌六卿賞地之灋以等其功 王功曰勳國功

曰功民功曰庸事功曰勞治功曰力戰功曰多

司馬之官主征伐當以戰功爲上而序于王功至治功後者欲人知殊勳異績在正君定國救民奮庸熙載汗馬之勞不敢先焉武臣雖蒙厚賞咸知歛戢於奮矣

凡有功者銘書於王之太常祭於大烝司勳詔之大

功司勳藏其貳 掌賞地之政令凡賞無常輕重

眡功

頒賞地其輕重不能同所謂等也如司勳舉其職則在上者不得以意爲之此與大宰司士辦事皆稟天命以行事者

凡頒賞地參之一食惟加田無國正

馬質掌質馬馬量三物一曰戎馬二曰田馬三曰騶馬皆有物賈綱惡馬 凡受馬於有司者書其齒毛與其賈馬死則旬之內更旬之外入馬耳以其

物更其外否

標也程氏曰以其物更謂以他物量償之或半賈或參之一不責其如馬以償也

馬及行則以任齊其行

視馬力以任輕重及其行也道里遠近不同則以輕重之任合道里遠近而均配四馬之力使御者得施其技十六蹄如一匹所謂齊也一乘如此推之各乘皆然不惟無輪載之患且亦無羸敝之憂矣

若有馬訟則聽之 禁原蠶者

量人掌建國之灋以分國爲九州營國城郭營后宮

量市朝道巷門渠造都邑亦如之

詳見職方王制凡四海之內九州州方千里州建百里七十里五十里之國若干亦量人分國爲九州建國之遺法也

營軍之壘舍量其市朝州涂軍社之所里 邦國之

地與天下涂數皆書而藏之

蕭何收秦圖籍以知天下扼塞要害量人司險所掌在秦猶然

凡祭祀饗賓制其從獻脯燔之數量 掌喪祭奠窆之俎實 凡宰祭與鬱人受學歷而皆飲之



學讀如雅詩奠罍之罍卽醕尸尸酢主人之爵也  
爵人職曰卒爵此曰學歷其義互見不用讀作俄

小子掌祭祀羞羊肆羊馘肉豆而掌珥于社稷祈

于五祀凡沈辜侯禳飾其牲饗邦器及軍器凡

師田斬牲以左右御陳祭祀贊羞受徹焉

羊人掌羊牲凡祭祀飾羔祭祀割羊牲登其首凡

祈珥共其羊牲賓客共其灋羊凡沈辜侯禳

饗積共其羊牲若牧人無牲則受布于司馬使

其賈買牲而共之

羊易蕃息尙有耗敗况馬爲犬牲乎觀於羊人馬質二官之有賈而嘆聖人慮事之豫也

司燿掌行火之政令四時變國火以救時疾 季春

出火民咸從之季秋內火民亦如之時則施火令

凡祭祀則祭燿 凡國失火野焚萊則有刑罰焉

鄭鑄刑書不以其時而融風起烈火爲災周官之火政修必無焚場之患後世陶冶不以其時民習爲固然且有議周官爲迂者蓋調變之精理無有能喻之者矣

掌固掌修城郭溝池樹渠之固頒其士庶子及其庶庶之守設其飾器分其財用均其稍食任其萬民

用其材器

皆爲士庶子設之分之均之士庶子爲萬民守因故在萬民弁其材器而用之

凡守者受灋焉以通守政有移甲與其役財用唯是得通與國有司帥之以贊其不足者晝三巡之夜亦如之夜三警以號戒

守者受法于掌固不易其處矣而云通守政何也兵甲所以捍禦財用所以供役而變之來也非常不無移多就寡互相應援故云以通守政又恐守者藉此擅離部次故云所得通者惟此耳非有不得已應移動者不敢悖其所受之法也且有應移動以贊其不足者必掌固與其地之有司帥之雖

欲擅離部次不可得矣數語盡事情之曲折國有司乃有地治之官司兵甲與財用者也

若造都邑則治其固與其守濶

固城郭溝池樹渠也  
法士庶子之守法也

凡國都之竟有溝樹之固郊亦如之民皆有職焉若有山川則因之

溝樹爲城郭設推而國都之邊竟及郊不必有城郭皆令民鑿溝封樹以爲固而遞守之中原一望平行後世善禦盜者教民深溝種樹劃地而守寇不敢犯見于史書者不可枚舉其法皆本於周官司險掌九州之圖以周知其山林川澤之阻而達其

道路 設國之五溝五涂而樹之林以爲阻固皆有守禁而達其道路

守禁則樹林不至毀傷達道路則溝涂不患窒礙

國有故則藩塞阻路而止行者以其屬守之唯有節者達之

無事雖阻路必通達之以便行有故則阻路加藩塞焉以禦暴非平日周知地勢則不能

掌疆關

侯人各掌其方之圖治與其禁令以設侯人若有方

治則帥而致于朝及歸送之于竟

此與掌訝  
相聯事

環人掌致師察軍慝環四方之故巡邦國搏謀賊訟  
敵國揚軍旅降圖邑

致師非以怒蔽誘戰也蓋以察蔽軍之陰慝而乘其間耳邾之戰以二憾敗郟陵之戰以軍師不和敗皆察其慝而勝之訟者訟彼之曲揚者揚我之直王者無敵敢有逆命儼然敵矣故訟之

挈壺氏掌挈壺以令軍并挈轡以令舍挈畚以令糧  
凡軍事縣壺以序聚櫜 凡喪縣壺以代哭者皆

以水火守之分以日夜及冬則以火爨鼎水而沸之而沃之

曰守以水火又曰分以日夜者  
夜用火日則不用故須分之

射人掌國之三公孤卿大夫之位三公北面孤東面卿大夫西面其摯三公執璧孤執皮帛卿執羔大夫鴈諸侯在朝則皆北面詔相其濇 若有國事則掌其戒令詔相其事掌其治達

以射法治射儀王以大耦射三侯三獲三容

以大耦射句驪言王射以大耦其侯與養與容各三也以六耦射言初射非正射也下文同

### 樂以騶虞九節五正

注鮮正爲正鵠其說支離不可通正當如字讀謂正發失時也先歌四節之樂于未射之先以和其心留五節於正射時歌之不疏不數循聲而發發無不中矣三正二正義同私意是如此後闕放氏解大射儀先得我心不覺駭然

諸侯以四耦射二侯二獲二容樂以狸首七節三正  
孤卿大夫以三耦射一侯一獲一容樂以采蘋五  
節二正士以三耦射射侯一獲一容樂以采蘋五



節二正

若王大射則以經步張三侯

上兼言王侯孤卿大夫士此專言王故以若字另起注疏因此指上言射爲賓射遂誤正爲五采之正皆非也

王射則令去侯立于後以矢行告

儀禮大射令服不去侯者司馬也侯國禮此命去侯乃射人爲之係天子禮射人司馬之屬也立干後以矢行告儀禮以射正主之射人下大夫二人卽射正也上士四人下士八人乃射人師也檀弓扶君僕人師扶右射人師扶左君薨以是舉樂則下文大喪與僕人遷尸其射人師歆抑擯弓所

稱者侯禮若天子禮  
則射人正爲之毀

卒令取矢祭侯則爲位與大史數射中佐司馬治射

正

正與政同凡射政司馬掌之射人佐之其儀孔多  
不第告矢行數射中數事而已射人與大僕俱侍  
王側凡王有事皆左右之  
獨以射名官重射事也

祭祀則贊射牲相孤卿大夫之瀆儀 會同朝覲作

大夫介凡有爵者 大師令有爵者乘王之倅車

有大賓客則作卿大夫從戒大史及大夫介

大喪與僕人遷尸作卿大夫掌事比其廬不敬者  
苛罰之

服不氏掌養猛獸而教擾之 凡祭祀共猛獸 賓  
客之事則抗皮 射則贊張侯以旌屠乏而待獲  
射鳥氏掌射鳥 祭祀以弓矢毆鳥鳶凡賓客會同  
軍旅亦如之 射則取矢矢在侯高則以并夾取  
之

羅氏掌羅烏鳥蜡則作羅禰中春羅春鳥獻鳩以養

國老行羽物

掌畜掌養鳥而阜蕃教擾之祭祀共卵鳥歲時貢鳥  
物共膳獻之鳥

狂獸第教擾之畜鳥則兼言阜蕃順物性也鳥物  
以共庶羞膳羞禽獻射鳥氏以弓矢取之羅氏以  
網羅取之皆不可養者其可養者特設掌畜之官  
以阜蕃之庶不缺於共且物類滋息亦寓對育之  
仁焉

司士掌羣臣之版以治其政令歲登下其損益之數  
辨其年歲與其貴賤周知邦國都家縣鄙之數卿

大夫士庶子之數以詔王治

司士所掌者上而弁周知卿大夫之數者其職在掌朝儀必知其尊卑貴賤之等而後可以攝王也

以德詔爵以功詔祿以能詔事以久奠食惟賜無常

詔爵已下所謂治也八柄大宰詔王司士與之聯事而所詔者亦羣士為多王制言之詳矣

正朝儀之位辨其貴賤之等王南鄉三公北面東上

孤東面北上卿大夫西面北上王族故士虎士在

路門之右南面東上大僕大右大僕從者在路門

之左南面西上司士擯孤卿特揖大夫以其等旅

揖士旁三揖王還揖門左揖門右太僕前王入內

朝皆還

或北面東上或東面北上所謂位也  
或特揖或以其等族揖所謂等也

掌國中之士治凡其戒令掌擯士者膳其摯

云國中則邦國之士不與焉蓋侯國自設司士之  
官以掌之 下文稽邦國士任而進退其爵祿未  
嘗不與知之但不  
掌其治與戒令耳

凡祭祀掌士之戒令詔相其灋事及賜爵呼昭穆而  
進之帥其屬而割牲羞俎豆 凡會同作士從賓

客亦如之作士適四方使爲介 大喪作士掌事  
作六軍之士執披凡士之有守者令哭無去守

曰六軍之士亦士也古人文事武備兼之所以別  
于凡民 司馬統六師平邦國而以辨論官材屬  
之何也月令孟夏命大尉贊傑俊遂賢良行爵出  
祿必當其位雖秦法必三代已行之夏者大也春  
取長養故成均造士以育才爲先夏取盛大故司  
士詔爵以升俊爲重或曰弧矢以威天下而可以  
總德用以取士射人屬之司馬  
則司士屬之司馬宜也亦通

國有故則致士而頒其守 凡邦國三歲則稽士任  
而進退其爵祿

諸子掌國子之倅掌其戒令與其教治辨其等正其  
位 國有大事則帥國子而致於天子惟所用之  
若有兵甲之事則授之車甲合其卒伍置其有司  
以軍灋治之司馬弗正凡國正弗及 大祭祀正  
六牲之體 凡樂事正舞位授舞器 大喪正羣  
子之服位會同賓客作羣子從 凡國之政事國  
子存游倅使之修德學道春合諸學秋合諸射以  
攷其藝而進退之



凡國有政事國子與羣子同聚處雖有適庶之分其親則兄弟也致其殷勤子愛謂之存不曰羣子曰游伴者言其優游有餘力也不欲其優游而棄日力故諸子因其相親愛也而使之修德學道如三德六行是也春秋則同學同射學與射對舉蓋詩書禮樂之類相觀而善之謂摩其德行易成而業易精可知矣

### 司右掌羣右之政令

自三右暨屬車之右皆司右選擇比次之故曰掌羣右之政令或疑三右乃大夫士皆有員數豈藉于司右之選擇曰雖有員數而不必備遇軍旅會同慎選于城心膂之士非司右稔之有素能保其得人與且司士職待于王之後者惟大右一人而三右缺焉非其證耶

凡軍旅會同合其車之卒伍而比其乘風其右

徒有徒之卒伍車有車之卒伍大司馬仲冬大閱  
旗居卒間以分地險野人爲主徒之卒伍也易野  
車爲主車  
之卒伍也

凡國之勇力之士能用五兵者屬焉掌其政令

虎賁氏掌先後王而趨以卒伍軍旅會同亦如之舍  
則守王闕王在國則守王宮 國有大故則守王  
門大喪亦如之及葬從遺車而哭 適四方使則  
從士大夫若道路不通有微事則奉書以使於四

方

不獨取其勇力不畏路阻兼示王之干城  
腹心以急事告則奔視官守者宜急矣

旅賁氏掌執戈盾夾王車而趨左八人右八人車止  
則持輪 凡祭祀會同賓客則服而趨 喪紀則  
衰葛執戈盾 軍旅則介而趨

節服氏掌祭朝覲袞冕六人維王之大常諸侯則  
四人其服亦如之郊祀裘冕二人執戈逸逆戶從  
車

郊祀不言掌裘冕承上掌裘冕而言也二人執戈猶之六人緝大常如注說從王服假令裘冕而緝大常已非禮所安况裘冕而執戈何以肅觀瞻嚴對越乎

方相氏掌蒙熊皮黃金四目立衣朱裳執戈揚盾帥百隸而時難以索室毆疫 大喪先匱及墓入壙以戈擊四隅毆方良

大僕掌正王之服位出入王之大命掌諸侯之復逆王眡朝則前正位而退入亦如之

建路鼓于大寢之門外而掌其政以待達窮者與遽

令聞鼓聲則速逆御僕與御庶子

程氏慄也曰大寢之門第五門也其外有庫門維門應門各有閹人守之窮民未必能至此擊鼓經女以待達窮者明有爲之達者非窮民自擊鼓也以大司寇朝士御僕大僕四官通老之此窮民實卽肺石之窮民旣立肺石三日朝士聽其辭得其情於是爲之擊鼓此鼓御僕使御庶子守之大僕聞聲而逆問乃令御僕告于王御僕掌庶民之復者也朝士司寇不直告王必擊路鼓者明其非常使衆共聞也大僕不以告王而必逆守鼓之官者各有職守也曲折情事似是如此

祭祀賓客喪紀正王之服位詔灋儀贊王牲事王出

入則自左馭而前驅 凡軍旅田役贊王鼓救曰

月亦如之 大喪始崩戒鼓傳達于四方窆亦如  
之懸喪首服之灋于宮門 掌三公孤卿之弔勞  
王燕飲則相其灋 王射則贊弓矢 王眡燕  
朝則正位掌擯相

以論語攝齊升堂觀之治朝外朝俱無堂則所升者乃燕朝之堂也臣與君行禮當拜堂下君辭之乃升成拜亦燕朝也大僕掌擯相其延接臣下禮儀之多可知與眡治朝之正位而退又不同

王不眡朝則辭於三公及孤卿

小臣掌王之小命詔相王之小灋儀 掌三公及孤

卿之復遶 正王之燕服位王之燕出入則前驅

合大僕職觀之路寢之事皆大僕掌之王自路寢退小寢一切小寢之事皆小臣掌之

大祭祀朝覲沃盥王盥 小祭祀賓客饗食賓射掌事

如大僕之灋 掌士大夫之弔勞凡大事佐大僕

祭僕掌受命于王以眡祭祀而警戒祭祀有司糾百

官之戒具既祭帥羣有司而反命以王命勞之誅

其不敬者

王之祭祀法儀及牲事大僕掌之小祭祀小臣掌之或有故不親祭復設祭僕以王命泣之于反命

之曰辨其敬者誅其不敬者禮不敢  
不祇肅將事而神右享之可知矣

大喪復于小廟 凡祭祀王之所不與則賜之禽都

家亦如之

賜之禽謂詔于王而以王命賜之雖不與猶與也  
此非有故而其不與也事相類故亦祭僕掌之  
凡祭祀致福者展而受之

御僕掌羣吏之逆及庶民之復與其用勞 大祭祀  
相盥而登 大喪持翼 掌王之燕令以序守路  
鼓



此與小臣聯事者合觀小臣祭僕御僕之職或掌  
祭祀或掌復逆或掌服位皆佐大僕左右王躬罔  
命曰僕臣正厥后克正又曰出人起居罔  
有不欽發號施令罔有不臧於此徵之

### 隸僕掌五寢之埽除糞洒之事

糞如爲長者糞之糞僕御至供洒埽其細已甚雖  
隸於大僕而自爲一職以供役王之寢廷事煩職  
冗其徒多至四十人  
視大僕反倍者以此

祭祀修寢 王行洗乘右 掌蹕宮中之事 大喪

復于小寢大寢

弁師掌王之五冕皆玄冕朱裏延紐五采纁十有二

就皆五采玉十有二玉笄朱紘 諸侯之纁旂九

就璿玉三采其餘如王之事纁旂皆就玉璣玉笄

云纁旂九就又云纁旂皆就似不可通細按之九  
就者諸公本等之冕也纁旂皆就者其所兼之冕  
也凡冕服上得兼下諸公九命其冕之纁九就其  
旂所繫之玉亦九就等而下之所兼之冕其纁之  
就或七或五或三而每旂所繫之玉如之旂玉如  
纁之就故云纁旂皆就也由是推之諸侯與其孤  
卿大夫依此矣惟天子至尊其冕之纁旂不皆就  
耳何也天子冕纁不獨十二就者其旂十二玉即  
九就七就五就三就其旂亦十二玉所以別于諸  
臣也着纁旂皆就四字上對天子下對諸公侯孤  
卿大夫立交簡而該  
所以爲聖人之言

王之皮弁會五采玉璫象邸玉笄 王之弁經弁而  
加環經 諸侯及孤卿大夫之冕韋弁皮弁弁經  
各以其等爲之而掌其禁令

玉先言冕次言弁諸侯及孤卿大夫冕弁並言尊君應爾兼使人知天子之弁玉亦十二與冕同等以諸侯及諸臣冕玉各如其命數推之也韋弁在皮弁之上重兵服也詩曰韎韐有奭以作六師司裘云士之服自皮弁而下此不言士言韋弁皮弁弁經各以其等爲之司裘不言等皆互相備注解弁經之等以襲績皆禮家細密處

司甲闕

司兵掌五兵五盾各辨其物與其等以待軍事 及

授兵從司馬之灋以頒之

或疑兵甲戈盾俱賦之民此所頒者出諸官何也軍器所以壯國威以車乘推之有國馬必有公馬則兵甲戈盾視此矣且民間兵器當選將出車之時必先期致於司馬及授兵然後從而頒之所謂法也觀內傳授兵于大宮春秋之時此法猶存

及其授兵輸亦如之及其用兵亦如之

用兵如車攻吉日會同講武之類與征行不同故兼及之

祭祀授舞者兵 大饗獻五兵 軍事建車之五兵

會同亦如之

以會同推之所建者王及諸臣之車也於下經司戈盾徵之

司戈盾掌戈盾之物而頒之

辨其物者司兵也掌其物而頒之者司戈盾也戈爲五兵之首故舉之以概其餘下文兼授旅賁及虎可見

祭祀授旅賁及故士戈盾授舞者兵亦如之

司兵授舞者以戈此聯兼授干也亦如之亦如司兵也此與春官司干職聯事

軍旅會同授貳車戈盾建乘車之戈盾授旅賁及虎

士戈盾及舍設藩盾行則欽之

司弓矢掌六月四弩八矢之灋辨其名物而掌其守藏與其出入中春獻弓弩中秋獻矢箛及其頒之王弓弧弓以授射甲革楛質者夾弓庾弓以授射豸侯鳥獸者唐弓大弓以授學射者使者勞者其矢箛皆從其弓

弓三等用各有宜蓋通尊卑貴賤言之至下文又分屬天子諸侯大夫士何也其位至尊則天必畀以神武之資力其次以漸而降禮之體也如天子之侯道九十弓其次亦以漸而降爲七十弓五十

弓然天子射三侯中則皆獲子尊之之中寓優之  
之意禮之宜也曰以投射射甲革楛質者未嘗專言  
天子則其  
餘可推矣

凡弩夾庾利攻守唐大利車戰野戰 凡矢枉矢絜  
矢利火射用諸守城車戰殺矢鏃矢用諸追射田  
獵矰矢弗矢用諸戈射恆矢痺矢用諸散射 天  
子之弓合九而成規諸侯合七而成規大夫合五  
而成規士合三而成規句者謂之弊弓 凡祭祀  
共射牲之弓矢澤共射楛質之弓矢

此所共囚者皆不及弩何也無所用之也獨於大射燕射共弓矢言如數者禮射有弟子取矢不獲則司馬命再取可以如數共之其餘有不能如數者矣共弁夾矢着候高必取之其餘則不能皆取之可不用弁夾矣

大射燕射共弓矢如數弁夾 大藝共明弓矢 凡

師役會同頒弓弩各以其物從授兵甲之儀

物卽弓矢所辨之物已見上師役會同用弓兼用弩故俱頒之

田役充籠箠矢共矰矢 凡亡矢者弗用則更

矢充籠箠師役會同所同也惟田弋射飛弁共矰矢不在籠箠中者也



繕人掌主之用弓弩矢箠增弋挾拾 掌詔王射贊

王弓矢之事

王射以矢行告射人之事也此職與之聯事

凡乘車充其籠箠載其弓弩既射則斂之無會計

橐人掌受財于職金以齎其工弓六物爲三等弩四物亦如之矢八物皆三等箠亦如之春獻數秋獻成 書其等以饗工乘其事試其弓弩以上下其食而誅賞

等卽弓弩三等矢三等之等先書其等之上中下  
必乘計其事之成功而後饗之弓弩有三等之不  
同又就同等中試其良否而下其食而誅之上其  
食而賞之食稍食饗乃非常猶勞此工所以勸也  
乃入功于司弓矢及繕人 凡齋財與其出入皆在  
橐人以待會而攷之亡者闕之

弓弩矢出入當核之司弓矢而核之橐人者以人  
功于司弓矢其入若干則其出若干司弓矢必闕  
橐人故云凡齋財與其出入皆在橐人也會而攷  
之仍闕其亡者王之弓矢既無會計又惟禮射唱  
獲取矢必索其餘  
不可以苛求也

戎右掌戎車之兵革使詔贊王鼓傳王命于陳中

會同克革車盟則以玉敦辟盟途役之贊牛耳桃

茹

辟盟者要其終而言之捕血畢當以盟書辟盟府而藏之非辟其舊藏之書也

齊右掌祭祀會同賓客前齊車王乘則持馬行則陪乘凡有牲事則前馬

道右掌前道車王出入則持馬陪乘如齊車之儀自車上諭命于從車詔王之車儀王式則下前馬王下則以蓋從

大馭掌馭玉路以祀及犯軼王自左馭馭下祝登受  
轡犯軼遂驅之及祭酌僕僕左執轡右祭兩軼祭  
軌乃飲 凡馭路行以肆夏趨以采薺凡馭路儀  
以鸞和爲節

行中肆夏趨中采薺車行與樂歌之疾速相應也  
至馭路之儀如組如舞五馭所謂鳴和鸞又不但  
趨與行中節而已大馭舉其凡以概其餘

戎僕掌馭戎車

大馭之下次以  
戎僕重軍事

掌王倅車之正其服犯輶如玉路之儀凡巡狩及兵車之會亦如之

觀此則巡狩爲乘車之會明矣王有兵車之會如宣王常武之詩是也齊桓自詡乘車之會兵車之會蓋亦踵周官行之

掌凡戎車之儀

於金路曰法儀於象路亦曰法儀卽大馭職凡馭路之儀也惟戎車之儀有同者有不同者故又別而言之

齊僕掌馭金路以賓朝覲宗遇饗食皆乘金路其馭

儀各以其等爲車途逸之節

道僕掌馭衆路以朝夕燕出入其灋儀如齊車掌貳車之政令

田僕掌馭田路以田以鄙掌佐車之政設驅逸之車令獲者植旌及獻比禽

統言之則驅逆之車亦佐車也分言之則佐車如倅車貳車其驅逆之車校人於從禽之時帥田僕而設之

凡田王提馬而走諸侯晉大夫馳

而於車馳徒走之時提馬而走不馳也諸侯提馬而進雖速於王亦不馳也大夫則與甲士之車馳同當鼓進之時亦有尊卑之等焉

馭夫掌馭貳車從車使車分公馬而駕治之

馭夫佐校人養馬凡國之使者共其幣馬則其所駕之車亦馭夫授之王氏之說比注優

校人掌王馬之政辨六馬之屬種馬一物戎馬一物

齊馬一物道馬一物田馬一物駑馬一物

先戎馬於齊馬道馬亦重戎政

凡頒良馬而養乘之乘馬一師四圉三乘爲阜阜一

趨馬三阜爲繫繫一馭夫六繫爲廐廐一僕夫

僕夫卽掌五路之官或疑大馭戎僕其官尊不宜與養馬之事以理推之乘馬一師四圍積而上之至於馭夫其於馬政綦密且詳矣大馭戎僕等官不過掌其要凡而已無慮其繁馭夫則僕夫也

同軍旅田獵朝夕出入無不如意故以馭夫次之而繼以枝人相爲左右不及僕夫者以旣言馭夫則僕夫卽五馭之僕夫可推而知非闕也

六廐成校校有左右駕馬三良馬之數麗馬一圉八

麗一師八師一趨馬八趨馬一馭夫 天子十有

二閑馬六種邦國六閑馬四種家四閑馬二種九



不奚言  
馬特居四之一

馬以牡爲貴然必及時扇之留以爲特者所以爲  
孳息計扇其三存其一可也下文執駒卽爲扇之  
地也馬特如過多通滋  
之後弁特亦攻之矣

春祭馬祖執駒夏祭先牧頒馬攻特秋祭馬社臧僕

如道僕田僕十有二人等而上之戎僕齊僕亦在  
其中以時選其性行淑均才技爛習者備不時在  
使更換臧如射則臧兮之臧在王之側不可不慎  
簡下早而以屬之校人則與五馭相左右又可知  
矣

冬祭馬步獻馬講馭夫

馭夫亦僕也講之  
欲其臧也互見法

凡大祭祀朝覲會同毛馬而頒之飾幣馬執扑而從  
之 凡賓客受其幣馬 大喪飾遣車之馬

及葬埋之 田獵則帥驅逆之車 凡將事于四  
海山川則飾黃駒凡國之使者其其幣馬 凡軍

事物馬而頒之 等馭夫之祿宮中之稍食

等其祿食所以勸之也然則僕馭與三右雖員數  
有定亦隨時更番任使不必備其人非臆說也

趣馬掌贊正良馬而齊其飲食簡其六節 掌駕說

之頒 辨四時之居治以聽馭夫

巫馬掌養疾馬而乘治之相醫而藥攻馬疾受財于  
校人馬死則使其賈鬻之入其布于校人

牧師掌牧地皆有厲禁而頒之孟春焚牧中春通滂  
掌其政令凡田事贊焚萊

廋人掌十有二閑之政教以阜馬伏特教馳攻駒及  
祭馬祖祭閑之先牧及執駒散馬耳圉馬 正校  
人員選

注謂員選爲師圉之屬然則校人所減指道田之僕信矣以中大夫而選擇居官以下士而選擇師圉其事稱也

馬八尺以上爲龍七尺以上爲駮六尺以上爲馬

瘦人相馬之高下尺寸以形言也校人毛馬以色言也物馬而頒之以力言也辨六馬而首種馬取其調良以性言也相馬之式備矣

圉師掌教圉人養馬春除蓐覺廢始牧夏庠馬冬獻馬射則充椹質茨墻則翦鬪

圉人掌養馬芻牧之事以役圉師 凡賓客喪紀率

馬而入陳廐馬亦如之

職方氏掌天下之圖以掌天下之地辨其邦國都鄙  
四夷八蠻七閩九貉五戎六狄之人民與其財用  
九穀六畜之數要周知其利害乃辨九州之國使  
同貫利

同其利而貫通之九  
州之國如一家然

東南曰揚州其山鎮曰會稽其澤藪曰具區其川三  
汊其浸五湖

澤中有地謂之藪一望皆水謂之浸水長流謂之川

其利金錫竹箭其民二男五女其畜宜鳥獸其穀宜

稻

地多藪收便於養蕃鳥獸與揚州同日鳥獸可兼六擾曰六擾不能兼鳥獸

正南曰荊州其山鎮曰衡山其澤藪曰雲菁其川江漢其浸潁湛其利丹銀齒草其民一男二女其畜宜鳥獸其穀宜稻 河南曰豫州其山鎮曰華山其澤藪曰圃田其川滎雒其浸波澆其利林漆絲

泉其民二男三女其畜宜六擾其穀宜五種 正  
東曰青州其山鎮曰沂山其澤藪曰望諸其川淮  
泗其浸沂沭其利蒲魚其民二男二女其畜宜雞  
狗其穀宜稻麥 河東曰兗州其山鎮曰岱山其  
澤藪曰大野其川河沛其浸廬維其利蒲魚其民  
二男三女其畜宜六擾其穀宜四種 正西曰雍  
州其山鎮曰嶽山其澤藪曰弦蒲其川涇泃其浸  
渭洛

關中洛水一源于商州上維禹貢導洛入河是也  
一源于北地至鄜州洛川縣始大會渭入河杜詩  
謂三川水漲是也此與渭  
金叙應指三川口之洛

其利玉石其民三男二女其畜宜牛馬其穀宜黍稷

東北曰幽州其山鎮曰醫無閭其澤藪曰猗養

聖祖遼左與山左相對中隔一海  
祖仁皇帝常駐蹕奉天覽觀形勢謂北幹龍脉

迤于醫無閭諸山穿海由登萊雁青交而盡于徐  
海先儒謂泰山山脉被黃河冲斷其說非是今觀  
職力以山左猗養之藪與遼左醫無閭之山對舉  
猗養在今登州萊陽縣正山脉遙接之處中隔小  
海形家所謂大崩洪也益嘆

大聖人睿哲天授與經昭合



其川河涉其浸菑時其利魚鹽其民一男三女其畜  
宜四擾其穀宜三種 河內曰冀州其山鎮曰霍  
山其澤藪曰楊紆其川漳其浸汾潞其利松栢其  
民五男三女其畜宜牛羊其穀宜黍稷 正北曰  
弁州其山鎮曰恆山其澤藪曰昭餘祁其川虜池  
嘔夷其浸涑易其利布帛其民二男三女其畜宜  
五擾其穀宜五種 乃辨九服之邦國方千里曰  
王畿其外方五百里曰侯服又其外方五百里曰

甸服又其外方五百里曰男服又其外方五百里  
曰采服又其外方五百里曰衛服又其外方五百  
里曰蠻服又其外方五百里曰夷服又其外方五  
百里曰鎮服又其外方五百里曰藩服 凡邦國  
千里封公以方五百里則四公方四百里則六侯  
方三百里則七伯方二百里則二十五子方百里  
則百男以周知天下

此開方法通五土總計之于制除山林川澤邱陵  
專以墳衍原隰計之故二者之數不合其實一也

上云九服統言之  
此云封國析言之

凡邦國小大相維王設其牧制其職名以其所能制  
其貢各以其所有

合下巡狩殷國觀之設之牧而制其職貢者王也  
將巡狩殷國戒四方各修職守者職方氏也有職  
貢不修者大司馬九伐隨之以  
職方殿司馬見其任之重也

王將巡狩則戒于四方曰各修平乃守攷乃職事無  
敢不敬戒國有大刑及王之所行先道帥其屬而  
巡戒令王殷國亦如之

土方氏掌土圭之灋以致日景以土地相宅而建邦

國都鄙以辨土宜土化之灋而授任地者

測上深正日景而東西南北之寒暑風雨多寡了然胸中天氣與地氣相通因之而知土宜土化之法不偶

然也

王巡守則樹王舍

懷方氏掌來遠方之民致方貢致遠物而送迎之達之以節治其委積館舍飲食

周之盛時越裳獻雉有重譯而至者觀下文治其委積館舍飲食則貢使居多而商旅次之自土方

氏至形方氏其官皆以方各蓋自王畿以至藩國皆掌之而懷遠之意居多

合方氏掌達天下之道路通其財利同其數器壹其度量除其怨惡同其好善

與懷方氏聯事而通惠商旅其專職

訓方氏掌道四方之政事與其上下之志誦四方之傳道 正歲則布而訓四方而觀新物

政事及上下之志皆顯然有徵者傳道則事未可知而得之傳聞皆爲王誦之以廣見聞正歲以象魏所繇者布而訓四方而觀新物猶事也此又爲民布告之以新其耳目定其心志

形方氏掌制邦國之地域而正其封疆無有葦離之  
地使小國事大國大國比小國

山師掌山林之名辨其物與其利害而頒之于邦國  
使致其珍異之物

蓋備四海九州之美味以供祭祀者獸與不實遠  
物之意並行而不悖者也山師川師俱以師名亦  
世其官而習熟其國故者重在周知其地之美惡  
而頒之俾爲上者爲民興其利而除其害皆所以  
柔遠也

川師掌川澤之名辨其物與其利害而頒之于邦國

使致其珍異之物

遠師掌四方之地名辨其邱陵墳衍遠隔之名物之  
可以封邑者

匡人掌達灋則匡邦國而觀其慝使無敢反側以聽  
王命

揮人掌誦王志道國之政事以巡天下之邦國而語  
之使萬民和說而正王面

匡人之職修而邦國無非心揮人之職修而邦國  
有儀志合觀司馬諸職所以維持封建于不傲者

可謂曲盡後儒猶管議  
封建非聖人意過矣

都司馬掌都之士庶子及其衆庶車馬兵甲之戒令  
以國濩掌其政學以聽國司馬家司馬亦如之

石谿讀周官第四終